

傳信尤易方六

傳信尤易方卷之六

癰疽門

附疔瘡

易州醫官鄭廷臣校閱
涇陽醫士王玘校正

治發背疔疽歌曰發背疔疽識者稀醋磨好墨四邊
圍生姜猪胆同塗上天明恰似鬼神移

治發背及一切疔瘡腫毒不問已成未成但焮痛者
取槐花四兩微炒苦菜熟入酒二盞煎十餘沸去
滓熟服未成者一二服即消已成者二三服即愈
治發背用楊樹上蛀蟲研爛以無灰白酒吃下一條
其勢便定吃三條可痊○又方用蝸牛二百箇活
者以一升淨瓶入蝸牛用新汲水一盞浸瓶中封

繫自晚至明取出蝸牛放之其水入涎將蛤粉不
拘多少旋調傳以雞翎掃之瘡上日可十餘度其
熱止瘡便愈

勝金方

治發背瘡用牡狗白糞半升覺欲作腫時以煖水一
升絞取汁分再服仍以滓傳上每日再爲之瘡

後方

治發背欲死者用伏龍肝末以酒調厚傳其瘡上如
乾即易不日平復

千金方

○又方用雞腸草搗傳

良○又方用白欵末傳之良○又方取芭蕉根搗

爛傳之○又方燒人糞爲灰研細醋和傳之

則易神效

醫林集要

治發背或惡瘡用冬瓜切半截蓋合瘡上熱毒氣薰
蒸瓜爛再易待熱退自然收斂

治發背及諸瘡未成瘡頭赤腫壯熱以濕紙搨上先
乾處是熱氣衝上即是瘡頭以艾灸之如先痛灸
至不痛如不痛灸至痛為止

兵部集

治發背初得毒腫赤嫩痛浮萍草爛搗和雞子清貼
之良

聖惠方

治發背初輕者取活蝦蟆一箇放於瘡上頓飯時取
下其蝦蟆必昏憤置於水中以救其命又易一箇

如前放瘡上稍時取下如前法易換三五次其瘡性即敗累驗極效

治發背癰疽疔腫瘡癰收隔年陳米粉子炒黑褐色搗羅細末以隔年陳醋調粘糊黑色如漆以紙攤貼瘡腫赤處周圍中留孔竅出毒氣或腐潰膿出三日一易極效驗

治發背癰疽不問何處及乳癰等瘡取忍冬藤五兩搥碎生甘草一兩入砂鍋內以水二碗慢火煎一碗入好酒一大碗再煎數沸去滓作三次溫服一日一夜服盡如患重者一日一夜再服二劑候大

腸通則藥力到若無鮮乾者亦可忍冬葉研爛入白漿許調塗瘡周圍中留一孔洩其毒氣亦妙

治發背癰疽腫毒用蝦蟆肉搗敷妙

治石癰不作膿者以商陸根搗傅自消

惟症奇方

治腦疽發背及癰疽熱癰瘡等用臘月兔腦頭細剉入瓶內密封惟久愈佳塗帛上厚封之熱痛傅之

如冰頻換瘡

勝金方

治諸癰疽發背及乳癰用釜下土研末以雞子中黃和塗之佳

千金方

治癰疽發背乳癰用茱萸一升水三升煮三沸去滓

洗痒瘡

梅師方

治癰腫發背取生苜蒲搗貼若瘡乾搗末以水調塗

方經驗

治癰疽發背惡瘡腫毒初生及毒蛇風犬所咬用大蒜切片子如錢厚安腫上以艾灸之蒜熱更換新者初灸覺痛灸至不痛即止初灸不痛灸至極痛乃止最效

治癰疽發背乳癰初起焮腫赤痛搗黃栢末雞子白

和塗之

梅師方

治搭手瘡細葉柳樹刮去外粗皮取內青皮并馬蘭

頭草及向陽冬青頭共搗爛敷之留其瘡頭不敷
用夏布縛之使出氣少頃痛即止

治惡恠瘡相類人面瘡者拭酒則赤拭食則食食之
肉脹不食肉痺傳諸藥不效惟貝母末濃煎汁灌
於瘡口內亦傳之數日而瘡

唐詩記事

治癰疽及腸癰托裏消毒固臟腑止疼痛用黃蠟好
者二兩明礬三兩搗末先將黃蠟溶開離火待少
溫入礬末和勻衆手急丸桐子大每服二三十丸
食前酒下日二服尤妙

治一切癰疽無名腫毒醫無所識者治效如神用黑

牽牛一合白牽牛一合用布包搥碎好醋一碗煎至八分露一宿次日五更重溫服之

萬應方

治癰疽瘡腫癰癰結核取山茨菰根醋磨傅之或採葉搗為膏入蜜厚傅患上清血出效

外科集驗

治癰疽惡瘡出膿血不止者取地骨皮不拘多少淨

洗刮去粗皮再刮取白皮瓢煎湯淋洗膿血去淨

拭乾以白皮瓢貼之立效

梅師方

治癰疽痔漏惡瘡及小兒丹毒用蟬螬傅上

子母秘錄

治癰疽有膿令潰以人乳和麪傅上膿血盡出不用

近手

治癰疽而渴用黃耆六兩蜜炙甘草一兩炙右剉以酒煎服血虛者加當歸生地黃

治癰疽未潰枯蕒根赤小豆等分為末醋調塗

楊文尉方

治癰腫用伏龍肝末以蒜和搗為泥塗於布上貼之

如乾再易外臺秘要

治大小人癰腫用生猪腦子傳紙上貼之如乾則易

日三四度千金方

治癰疽一切腫未成膿拔毒牡蠣白者為細末水調

塗乾更瘡不愈再塗

治癰毒攻腫旁有瘻肉突出者烏頭五枚以苦酒三

升漬三日洗之日夜三四度

古今錄驗

治一切癰腫未破疼痛令內消以生地黄杵如泥隨腫大小攤於布上搽木香末於中再攤地黄一層貼於腫上三五度瘥

惠養集

治石癰堅硬如石不潰不膿取生商陸搗爛塗傅如乾者為末以醋調傅日易取軟一切熱毒腫同鹽醋搗稠粘塗之即消

本草集要

攔風膏号鐵箍散用大黃一兩五倍子三錢右為末用陳醋調塗四圍中留孔以鴉子清調亦可

濟生便宜

方

通毒錠子用明礬五錢半信石一錢右為末
鍋內以炭火煨令煙盡取出研為細末以飯糲作
錠子凡遇惡瘡毒每用三稜針刺破內一錠子于
紙糊口一日一換第二次以硫黃末為末第三次
以百草霜為衣

洗滌方用明礬雄黃右為末熟水調洗後用收斂藥
五倍子黃柏各燒存性為末摻瘡口上外以膏藥
自然生肌收斂

惠菴集

附骨癰蟻娘七枚和大麥爛搗貼之

斗門方

治肺癰吐膿用薏苡米為末糯米飲調下或作粥食

之或以水煎服當下膿血愈外科集驗

治附骨疽及魚眼瘡用猪頭骨燒煙薰之效千金方

治大赫瘡此患急宜防毒氣入心腹搗枸杞葉莖取

汁飲之立瘥肘後方

治疔腫甚者用附子末醋調塗之即乾再塗聖惠方

治疔腫垂死取菊花葉一握搗絞汁一盞入口即活

此神驗冬用其根肘後方

治疔腫取磁石搗為粉醋和貼之立拔毒出愈外臺秘要

○又方救急疔腫用斑猫二枚針破疔頭以猫末

摻入瘡口即除根外臺秘要○又方凡遇初瘡取

黑雄猪胆調雄黃末一錢敷瘡上以蒼耳草根搗
汁調吃三五次便效

惠養集

治魚臍疔瘡用絲瓜葉連鬚葱韭菜同入石臼內搗
爛如泥以酒和服粗貼敷腋下如患毒在左手貼
左腋下在右貼右腋下在左右足貼左右腓如在
中貼心臍並用布帛包住候向下紅絲處皆白則
可為安如有潮熱亦用此法

備急方

治疔瘡忌見麻勃見之即死用胡麻燭燼針砂各等
分為末以醋和傅之○又方石灰三分馬齒莧葉
二分右二味搗以雞子白和傅之千金方○又方

取鼠新坩土以童便和傳之○又方取鐵衣末以人乳汁和傳之○又方以人屎尖傳瘡上瘡

治一切疔毒諸瘡腫毒取蒺藜一升作灰以醎醋和

貼瘡頂上如破塗之佳

斗門方

治發背疼痛不可忍用蕎麥葱白蜜搗勻貼于瘡上其疼立止○又方用白芨為末無根水澄沉底者塗瘡上立消○又方治疔瘡用大蜘蛛一箇放在瘡上其蜘蛛自啞其毒如疔甚者用三五箇亦可食毒將蜘蛛放于水中亦拔其毒不傷蜘蛛命

涇陽

醫士王
訂方

○又方用馬蟻一箇放竹筒內頭朝外置於瘡頂上唾之待馬蟻腹滿拍近馬蟻肉處取蟻下放於水中庶不傷蟻命瘡勢盛者不過三四枚馬蟻大愈

人乳汁和傅之○又方以人乳少傅乳上癆
治一切疔毒諸瘡用取乳
貼瘡頂上如破金之佳
治發背疼痛不可忍用黃麝白蜜搗碎
其末立止○又方用白炭末無根木
餘粉上立消口又方治疔瘡用大蜘蛛一箇
米中熟炒令發熱盛香不絕三四次
土野苧科煎熟煎出油去肉煮淨
○又方用魚肝一箇炙外間內煎時投